

## „Garantowane płaćizny njejsu hižo na městnje“

Na nowolětnym přijeću srjedźnostaw-skeho a hospodarskeho zjednoćenstwa sakskeje CDU w Kamjencu rěčachu z ministrom Frankom Kupferom wo aktualnych problemach.

Drježdźany (BG/SN). Sakska chce tež přichodnje brunicy za wudobywanje miliny zasadzić, bjeztoho zo by wobnowjomne energije zanjechała. Tole připowědźi sakski minister za wobswět a ratarstwo Frank Kupfer (CDU) minjeny pjatk na nowolětnym přijeću srjedźnostaw-skeho a hospodarskeho zjednoćenstwa CDU na něhdyšej žurli wokrjesneho sejmika w Kamjencu. Při tym chce krajne knježerstwo krok po kroku postupować, wón rjekny. Wutwar milinowych syćow a nowych technologijow za składowanje miliny chcedža w dosahacej měrje spěchować. Wokomiknje pruwuja, kak móhli tuchwilne pjenježne spěchowanje alternatiwnych energijow změnić. Garantowane płaćizny miliny na 20 lět njejsu we wičnym hospodarstwie na městnje, wón zwurazni. Pod aktualnymi wysokimi płaćiznami miliny wobydlerjo runje tak čerpa kaž předewzaćeljo.

Přiwšěm Frank Kupfer dosć pozitiwnje na položenje sakskeho hospodarstwa zhladowaše, štož je wulka zaslužba tež srjedźnostaw-skeho hospodarstwa, ratarstwa a rjemjesla. Hladajo na bližace so wólby Europskeho parlamenta jewješe

so z jeho strony kritika na zasahnjenju Brüssela do narodnych naležnosćow čłonskich krajow. Přiwšěm su lěpšiny Europskeje unije wjetše hač jeje njelěpšiny. Tule chcedža dale dželać. Přitomni to pjatk podobnje widžachu.



Wobdźělnicy nowolětneho přijeća minjeny pjatk w Kamjencu

Foto: BG